

Penado no ta pena pa largo

Ex-Schutternan Arubiano ta mira cu nan monumento ta birando realidad

No ta for di awor, pero for di basta tempo caba, cu e Arubiano, Curasoleño, Bonereano, sigur esnan cu a forma parti di Cuerpo Militar di Reino, y a defende e teritorio di Aruba, den calidad di e.o. schutterij a bin ta luchando pa haya un reconocimiento pa nan trabou den e dos gueranan mundial.

Gobierno anterior, a bin cu un avion Dakota banda di un loka tabata un bunker na Wayaca, pero hopi di e ex-schutternan aki no a keda nada contento, pasobra pa di prome e avion ei no ta data for di Dos Guerra Mundial, pero mas bien a worde usa pa transportacion di droga. Asina mes Prins Alexander a efectua apertura di loka mester a bira un sitio conmemorativo. Pero e organisacion di VKA y ex-Schutternan no a rindi, pero a sigui lucha y a pidi e gobierno aki, di kier un monumento mas representativo y na un lugar visible. A pensa riba e isla dilanti di Aeropuerto, despues a studia diferente otro localidad y tur hende a bai di acuerdo cu dilanti di Beth Israel na Adriaan Lacle Blvd tin un pleki cu por bira un bunita plaza. A cuminsa traha riba esaki, y ayera por a mira cu a cuminsa cu e trabounan aki, unda banda di polis, nos por a mira algun miembro, kendenan a forma parti di e Cuerpo di Schutternan Arubiano, kendenan a defende e pida baranca aki y awor por mira nan sueño realisa.

